

1289 (1288) Febr. 10.

[65]

Der Knappe Henricus de Hagenbecke u. die genannten Schöffen von Coesfeld befunden, daß Lubbertus de Lochuß Güter im Kspl. Reken an das Kloster Barlar verkauft hat.

In nomine sanctae et individuae Trinitatis, amen. Quae geruntur in tempore, ne labantur cum tempore, ratum est, ea scripturarum testimonio praesentium futurorumque memoriis commendare. Proinde nos Henricus de Hagenbecke famulus et scabini in Cossvelde, quorum nomina subnotantur, dignum duximus cunctis Christi constare fidelibus, quod dominus Lutbertus de Lochuss, noster concivis, de consensu liberorum suorum et cohaeredum, videlicet Wernerii et Elisabet, Henrici de Lochuss, Gertrudis uxoris suae,

Aleydis filiae suae, Mechtildis relictæ Joannis de Lochus et Willae filiae suae, vendidit venerabilibus viris domino Joanni praeposito et conventui ecclesiae Varlarenensis bona sua propria, scilicet Geilinc et Wostine, sita in Holtoburedorpe in parochia Reken, cum lignis, agris, pratis, pascuis, cespitibus et frondibus seu cum omnibus suis attinentiis pro novem Marcis et novem solidis Monasteriensis monetæ, et eisdem receptis idem Lubertus et sui liberi et cohaeredes praedicti resignaverunt praedicta bona coniunctis manibus in figura iudicii in Cossvelt in manus dicti praepositi et conventus pro propriis bonis iure proprietario perpetuo possidenda, penitus ab eisdem ab omni jure, quo ipsis competeabant vel competere poterant in futuro, in perpetuum recedentes. In cuius rei testimonium et munimen sigillum civitatis in Cossvelt praesentibus decrevimus apponendum. Datum anno Domini M<sup>o</sup>CC<sup>o</sup>LXXXVIII, [die] Scholasticae virginis, praesentibus et protestantibus Lamberto de Honhuss, Woltero de Dulmania, Gerardo Kebel, Theoderico Lapidica et Gerardo de Atterhuss scabinis; domino Henrico Selekinck, Joanne de Huppelsvick, Alberto de Wederden et Hermanno Rost militibus; Theoderico de Grollo, Godefrido Cobbinck, Bernhardo Bante, Lubberto de Huppelsvick, Henrico Memminck, Rabodo et Rudolpho fratribus de Sunderhuss et aliis quam pluribus fide dignis.

Kopie im Barlarer Kopiair S. 219.